



PERSATUAN INDUSTRI KESELAMATAN MALAYSIA (MALAYSIA SECURITY INDUSTRY ASSOCIATION)

NOMBOR PENDAFTARAN: PPM-002-10-11031980 / WWW.PIKM.MY

Presiden

DATO' SRI HJ RAMLI B. HJ YUSUFF

Timbalan Presiden

KAPTEN NAJMUDDIN B. MOHD IBRAHIM (B)

Naib Presiden

MEJ. JEN. DATO' MOHD YUNUS B. LONG (B)

SALIZA BT ABDULLAH

MOHAMMAD UBaidILLAH B. IMAN

Setiausaha Kehormat

KU NORAZMI B. DATO' HJ. IMAM ASMAWI

Bendahari Kehormat

IR. SOFIA BT DATO' IR. JOHARI

Penolong Setiausaha

ASSYANUR NASYRAH BT ISHAK

Penolong Bendahari

DATO' HABIBULLAH B. DATO' HJ AHMAD

Ahli-ahli Jawatankuasa

DATO' HJ. JAAFAR B. HJ MAT

KAPTEN DATO' ISMAIL B. ISHAK (B)

MOHD YUSOFF B. M DAUD

ADNAN B. ABDULLAH

ADILA B. DATO' ABDULLAH

BRIG. JEN. DATO' ZAINAL B. ABD RAHMAN

TUDM(B)

MOHAMMED FADZLAN B. MUSTAPA

DATO' DR. BASANT SINGH SIDHU

DATUK ZAIDI B. MOHAMED

Juruaudit Dalaman

MOHD HODORI B. SARBINI

ZAINAL ABIDIN BIN MD KASIM

Pengerusi Zon WP Kuala Lumpur

DATO' ROSMARAYU BT MOKHTAR

Pengerusi Zon Selangor

DATUK SHANKER RAJ AYANGER

Pengerusi Zon Johor

DATUK MHD. TAHIR B. MOHD NOAH

Pengerusi Zon Perak

ZAITON BT MOHD NUSI

Pengerusi Zon Kelantan

AFENDI BIN MUKHTAR

Pengerusi Zon Pahang

MOHAMAD TARMIZI B. MOHAMAD GHANI

Pengerusi Zon Pulau Pinang

MUHAMMAD SYAFIQ B. ISHAK

Pengerusi Zon Kedah & Perlis

DATO' PADUKA HJ AB RAHAMAN BIN JAPAR

Pengerusi Zon Melaka

DATO' GAN PENG LAM

Pengerusi Zon Negeri Sembilan

MEJ. MOHD ZAINAL B. JUNI (B)

Pengerusi Zon Sabah

KAPTEN MAZALAN B. FADZIL (B)

Pengerusi Zon Sarawak

SHAHARUDDIN B. SAMSI

Sekretariat

Pengurus Besar

JEFF NOR JETTEY

PIKM/SEKRETARIAT/EDARANAHLI/2021(4)

8 FEBRUARI 2021

SEMUA AHLI PIKM

(U/P: Pengarah Urusan)

YBhg. Tan Sri/Dato' Sri/Datuk/Dato'/Datin/Tuan/Puan,

SURAT EDARAN PIKM KE-4/2021: PERLUASAN SKOP PROGRAM SARINGAN COVID-19 BAGI PEKERJA ASING DI SELURUH NEGARA

Dengan hormatnya perkara di atas dirujuk.

2. Susulan pelaksanaan semula Perintah Kawalan Pergerakan (PKP) pada 13 Januari 2021 dan pengumuman oleh YAB Perdana Menteri berkenaan pakej bantuan Perlindungan Ekonomi & Rakyat Malaysia (PERMAI) pada 18 Januari 2021, PERKESO telah meluaskan skop Program Saringan COVID-19 Bagi Pekerja Asing di seluruh negara bermula 2 Februari 2021.

3. Program ini dilaksanakan melalui klinik dan hospital swasta yang telah berdaftar sebagai panel PERKESO. Senarai klinik dan hospital panel yang menawarkan saringan COVID-19 di bawah program ini boleh dirujuk di (<https://psp.perkeso.gov.my/direktori-panel-perkhidmatan-rtk.html>).

4. Ujian saringan ini menggunakan **kaedah RTK Antigen** yang diluluskan oleh Kementerian Kesihatan Malaysia dan kos bagi kit ujian dibiayai oleh PERKESO. **Majikan hanya perlu membiayai kos perkhidmatan (service charge) yang dikenakan oleh klinik atau hospital panel PERKESO.** Bagi mengelakkan kesesakan semasa saringan, **majikan perlu menghubungi klinik atau hospital untuk mendapatkan maklumat berhubung tatacara pendaftaran termasuk dokumen yang diperlukan serta penetapan temujanji saringan.**

5. Pekerja asing yang pernah menjalani saringan COVID-19 PERKESO sebelum 1 Disember 2020 adalah layak untuk menjalani saringan sekali lagi dalam tempoh Perluasan Skop Program ini. Bagi pekerja asing yang bukan pencarum PERKESO, kos saringan perlu ditanggung sepenuhnya oleh pihak majikan.


6. Keperluan menjalani saringan COVID-19 ini diwajibkan oleh kerajaan melalui Akta Pencegahan dan Pengawalan Penyakit Berjangkit 1988 (Akta 342). Pematuhan kepada keperluan ini akan dipantau oleh Kementerian Sumber Manusia.

7. Untuk maklumat lanjut berkenaan program ini boleh merujuk di Portal PSP (<https://psp.perkeso.gov.my>). Sebarang pertanyaan boleh diajukan melalui emel hsp@perkeso.gov.my atau talian hotline 1-300-22-8000 atau 03-4264 5089.

8. Garis panduan bagi majikan dan soalan lazim Program Saringan Covid-19 bagi Pekerja Asing menggunakan kaedah RTK Antigen turut dilampirkan untuk penerangan lanjut Ahli-ahli PIKM.

Sekian, terima kasih.

Yang benar,

A handwritten signature in black ink, consisting of a vertical line that loops around itself and extends horizontally to the right.

DATO' SRI HJ RAMLI BIN HJ YUSUFF
PRESIDEN



**GARIS PANDUAN PELAKSANAAN
BAGI MAJIKAN**

**PROGRAM SARINGAN COVID-19 KEPADA PEKERJA
ASING MENGGUNAKAN KAEDAH RTK ANTIGEN**

2021

PERTUBUHAN KESELAMATAN SOSIAL

1. PENDAHULUAN

- 1.1 Garis panduan ini disediakan sebagai panduan kepada majikan berkenaan pelaksanaan Program Saringan COVID-19 bagi pekerja asing menggunakan kaedah RTK Antigen.

2. LATAR BELAKANG PROGRAM SARINGAN PRIHATIN PERKESO

- 2.1 Kerajaan telah mengarahkan saringan COVID-19 untuk pekerja asing bermula 1 Disember 2020. Untuk tujuan tersebut PERKESO telah melaksanakan Program Saringan COVID-19 bagi pekerja asing bermula dengan mereka yang bekerja di Selangor, Wilayah Persekutuan Kuala Lumpur dan Labuan, Negeri Sembilan, Pulau Pinang dan Sabah yang telah diisytiharkan sebagai kawasan di bawah Perintah Kawalan Pergerakan Bersyarat. Berikutan peningkatan mendadak kes COVID-19 di seluruh negara, Kerajaan telah mengisytiharkan semula Perintah Kawalan Pergerakan di seluruh negara pada 13 Januari 2021 dan telah mengumumkan Pakej Bantuan Perlindungan Ekonomi dan Rakyat Malaysia (Permai) pada 18 Januari 2021 yang juga merangkumi strategi saringan kesihatan pekerja. Sehubungan itu, PERKESO telah memperluaskan Program Saringan COVID-19 ini ke seluruh negara bermula 2 Februari 2021.
- 2.2 Program saringan COVID-19 ke atas pekerja asing dilaksanakan sebagai usaha membantu kerajaan membendung penularan wabak COVID-19 khususnya di kalangan pekerja asing. Pelaksanaan program ini adalah berdasarkan penilaian risiko jangkitan oleh Kementerian Kesihatan Malaysia yang mendapati risiko jangkitan di kalangan pekerja asing yang lebih tinggi berbanding pekerja tempatan.
- 2.3 Program saringan pekerja asing ini selari dengan kehendak Seksyen 10 di dalam Peraturan-Peraturan Pencegahan dan Pengawalan Penyakit

Berjangkit (Langkah-Langkah di dalam Kawasan Tempatan Jangkitan) (No. 9) 2020 yang telah diwartakan pada 31 Disember 2020. Antara kehendak peraturan-peraturan berkenaan adalah:

- a. Majikan perlu memastikan pekerja asing menjalani ujian saringan COVID-19 sekiranya diarahkan oleh pihak berkuasa.
- b. Majikan hendaklah menanggung fi, kos dan caj bagi ujian saringan COVID-19.
- c. Peraturan ini hanya terpakai bagi pekerja asing yang memegang Pas Lawatan (Kerja Sementara) sahaja.
- d. Ekspatriat adalah terkecuali daripada peraturan ini. Walau bagaimanapun, ekspatriat masih boleh menjalani saringan di bawah Program ini.

3. KRITERIA KELAYAKAN


- 3.1 Semua pekerja asing yang mencarum dengan PERKESO di seluruh negara.

4. KAEDAH PELAKSANAAN

- 4.1 Ujian saringan bagi Program Saringan COVID-19 bagi pekerja asing dijalankan secara berjadual dan berperingkat dengan memberi tumpuan kepada daerah-daerah dan negeri yang berisiko tinggi, mulai 1 Disember 2020. Berikut adalah jadual pelaksanaan ujian saringan secara berkala:
 - a. Daerah Klang dan Seremban bermula pada 1 Disember 2020;
 - b. Lain-lain daerah zon merah di Selangor, WP Kuala Lumpur dan Pulau Pinang bermula pada 9 Disember 2020;

- c. Seluruh Negeri Sabah, WP Labuan dan lain-lain daerah di negeri Selangor, Pulau Pinang dan Negeri Sembilan bermula pada 16 Disember 2020.
 - d. Seluruh negara bermula pada 2 Februari 2021.
- 4.2 Ujian saringan ini dijalankan dengan kerjasama klinik dan hospital swasta secara berjadual dan berperingkat dengan menggunakan kaedah RTK Antigen yang diluluskan oleh Kementerian Kesihatan Malaysia. Kit ujian akan dibiayai oleh PERKESO dan majikan hanya perlu membiayai kos perkhidmatan yang dikenakan oleh klinik atau hospital. Bagi pekerja asing yang bukan pencarum PERKESO, kos saringan perlu ditanggung sepenuhnya oleh pihak majikan.
- 4.3 Bagi mengelakkan kesesakan semasa saringan, majikan perlu menghubungi klinik atau hospital untuk menetapkan tarikh dan masa saringan. Direktori klinik/hospital panel boleh dirujuk di Portal PSP (<https://psp.perkeso.gov.my>). Saringan boleh dijalankan sama ada di premis majikan atau di klinik/hospital dengan mematuhi garis panduan yang telah ditetapkan oleh PERKESO.
- 4.4 Majikan boleh berunding dengan klinik atau hospital bagi menetapkan harga perkhidmatan yang perlu ditanggung oleh majikan.
- 4.5 Rujuk carta alir di bawah untuk panduan.

PROGRAM SARINGAN COVID-19 BAGI PEKERJA ASING MENGUNAKAN KAEDAH RTK ANTIGEN (RUJUKAN MAJIKAN)





SOALAN LAZIM

**PROGRAM SARINGAN COVID-19
BAGI PEKERJA ASING
MENGUNAKAN KAEDAH RTK ANTIGEN**

2 FEBRUARI 2021

1. APAKAH OBJEKTIF PROGRAM SARINGAN COVID-19 KEPADA PEKERJA ASING?

Program saringan COVID-19 ke atas pekerja asing dilaksanakan bagi membantu usaha kerajaan membendung penularan wabak COVID-19 di dalam Negara khususnya dalam kalangan pekerja asing.

Pelaksanaan program ini juga dilakukan selepas penilaian risiko yang dijalankan oleh Kementerian Kesihatan Malaysia mendapati risiko jangkitan adalah lebih tinggi dalam kalangan pekerja asing berbanding pekerja tempatan.

2. APAKAH KAEDAH UJIAN SARINGAN BAGI PROGRAM SARINGAN COVID-19 KEPADA PEKERJA ASING?

Ujian saringan bagi pekerja asing di bawah program ini akan menggunakan kaedah *Rapid Test Kit* (RTK) Antigen. Ujian ini melibatkan pengambilan sampel melalui calitan rongga hidung (*nasal swab*) yang dilakukan oleh petugas kesihatan terlatih. Pengujian calitan boleh dijalankan dengan segera di lokasi pengambilan sampel dengan menggunakan katrij yang akan mengesan kewujudan antigen virus COVID-19. Keputusan saringan melalui kaedah ini boleh diperolehi dalam masa yang singkat dan memudahkan pengesanan jangkitan COVID-19.

3. APAKAH KRITERIA KELAYAKAN BAGI PROGRAM SARINGAN COVID-19 KEPADA PEKERJA ASING?

Semua pekerja asing yang mencarum dengan PERKESO **layak menjalani ujian saringan di bawah program ini**. Setiap pekerja asing layak menjalani ujian saringan COVID-19 hanya sekali sahaja dalam tempoh program ini.

4. BILAKAH TARIKH KUATKUASA?

Ujian saringan COVID-19 bagi pekerja asing telah mula dilaksanakan di Selangor, W.P Kuala Lumpur dan Labuan, Negeri Sembilan, Pulau Pinang dan Sabah bermula 1 Disember 2020.

PERKESO telah meluaskan skop program ini di seluruh negara bermula 2 Februari 2021. Justeru, semua pekerja asing di negeri-negeri selain negeri di atas boleh mula menjalani ujian saringan COVID-19 di bawah program ini bermula 2 Februari 2021.

5. ADAKAH SEMUA PEKERJA ASING WAJIB MENJALANI UJIAN SARINGAN COVID-19?

Melalui Akta Pencegahan dan Pengawalan Penyakit Berjangkit 1988 (Akta 342), pekerja asing yang merupakan pemegang Pas Lawatan Kerja Sementara (PLKS) diwajibkan untuk menjalani ujian saringan COVID-19.

6. BAGAIMANAKAH PROGRAM SARINGAN COVID-19 KEPADA PEKERJA ASING INI DILAKSANAKAN?

Ujian saringan dijalankan oleh klinik dan hospital swasta menyertai program ini sebagai panel. Senarai panel yang menawarkan ujian saringan RTK Antigen boleh dirujuk di <https://psp.perkeso.gov.my>. Ujian saringan ini akan menggunakan **kaedah RTK Antigen** yang diluluskan oleh Kementerian Kesihatan Malaysia.

7. ADAKAH PERKESO AKAN MENANGGUNG SEPENUHNYA KOS UJIAN SARINGAN COVID-19?

PERKESO akan membiayai kos bagi kit ujian RTK Antigen sahaja. Majikan perlu membiayai kos perkhidmatan yang dikenakan oleh klinik atau hospital panel.

8. ADAKAH KOS KIT UJIAN BAGI PEKERJA-PEKERJA ASING YANG TIDAK MENCARUM DENGAN PERKESO JUGA AKAN DITANGGUNG OLEH PERKESO?

Bagi pekerja asing yang bukan pencarum PERKESO, kos bagi kit ujian tidak ditanggung oleh PERKESO justeru pihak majikan perlu menanggung sepenuhnya kos saringan yang dijalankan oleh pekerja asing yang tidak mencarum dengan PERKESO.

9. ADAKAH MAJIKAN PERLU MENGHUBUNGI KLINIK ATAU HOSPITAL UNTUK PENETAPAN JADUAL SARINGAN?

Bagi mengelakkan kesesakan semasa saringan, majikan perlu menghubungi klinik atau hospital untuk menetapkan tarikh dan masa saringan. Senarai panel yang boleh menjalankan ujian saringan RTK Antigen boleh dirujuk di Direktori Panel di portal <https://psp.perkeso.gov.my>.

10. ADAKAH SARINGAN BOLEH DIJALANKAN DI PREMIS MAJIKAN?

Majikan boleh berbincang dengan klinik atau hospital yang menawarkan saringan untuk mengetahui sama ada saringan boleh dilakukan di tempat kerja. Kemudahan ini adalah bergantung kepada kapasiti dan kesesuaian serta perlu mematuhi SOP yang telah ditetapkan oleh KKM.

11. ADAKAH MAJIKAN DIBENARKAN UNTUK BEROPERASI SETELAH PEKERJA MENJALANI SARINGAN?

Majikan boleh beroperasi seperti biasa tertakluk kepada arahan lanjut daripada Kementerian Kesihatan Malaysia atau Jabatan Tenaga Kerja berdasarkan **keputusan ujian saringan COVID-19 yang dijalankan.**

12. ADAKAH PEKERJA AKAN MENDAPAT KEPUTUSAN SARINGAN SETELAH MENJALANI SARINGAN?

Klinik atau hospital yang menjalankan saringan akan mengeluarkan keputusan saringan kepada majikan dan pekerja.

13. APAKAH YANG PERLU DILAKUKAN SEKIRANYA PEKERJA ASING BELUM MENDAFTAR ATAU MENCARUM DENGAN PERKESO?

Majikan perlu mendaftarkan pekerja asing sebagai pencarum PERKESO sebelum melayakkan mereka menjalani ujian saringan ini. Bagi pekerja asing yang bukan pencarum PERKESO, kos saringan perlu ditanggung sepenuhnya oleh pihak majikan.

14. APAKAH LANGKAH YANG PERLU DIAMBIL BAGI MENCEGAH JANGKITAN COVID-19 SEWAKTU PROSES UJIAN SARINGAN DIJALANKAN?

Proses menjalani ujian saringan melibatkan ramai pekerja, dan boleh menyebabkan SOP pencegahan Covid-19 seperti penjarakan fizikal terjejas. Oleh itu, pekerja perlu sentiasa mematuhi SOP yang telah ditetapkan sewaktu menjalani ujian. Ujian yang dijalankan di premis majikan juga perlu mematuhi SOP yang telah ditetapkan oleh pihak KKM.

15. BILAKAH PELAKSANAAN PROGRAM SARINGAN COVID-19 KEPADA PEKERJA ASING AKAN DITAMATKAN?

Program ini dijangka tamat apabila situasi semasa penularan COVID-19 dalam kalangan pekerja asing adalah terkawal atau telah dibendung dengan sebaiknya dan juga berdasarkan penilaian risiko oleh Kementerian Kesihatan Malaysia. Kemudahan ini juga adalah tertakluk kepada sebarang arahan kerajaan berkenaan perkara tersebut.

16. BAGAIMANAKAH PERKESO BOLEH DIHUBUNGI SEKIRANYA TERDAPAT PERTANYAAN LANJUT?

Sekiranya anda mempunyai pertanyaan lanjut, sila hubungi PERKESO melalui talian 03-4264 5089 atau 1-300-22-8000, atau layari Portal PSP di <https://psp.perkeso.gov.my>.